

docriver 文川网
古籍书城
入驻商家
在文川网搜索古籍书城 发现更多电子书

中國方志叢書·華北地方·第五〇三號


據

清·王楷等修，張萬銓等纂
清乾隆二十一年刊本

影印

河北省

祁州志



30/1575
SKA/06

成文出版社有限公司印行



中國方志叢書·華北地方·第五〇三號

據

清·王楷等修，張萬銓等纂
清乾隆二十一年刊本

影印

河北省

祁州志



成文出版社有限公司印行



10107326

中華民國六十五年 月壹一版

祁州志

全二册

發行人：黃 成 助

出版者：成文出版社有限公司

台北市郵政信箱二二六〇五號
台北市羅斯福路三段二四〇巷五號

印刷者：成文出版社有限公司

內政部登記證內版台業字第 一 一 四 七 號

docsriver 文川网
入驻商家 古籍书城

在文川网搜索古籍书城 获取更多电子书

三上府州志序
祁州志序

署祁州牧羅子署祁一年以其暇率
州紳士重修州志不六旬而告成賚
其書以請敘於余蓋距前志之修已
閱百二十餘年矣羅子之成是書義
例頗不乖蓋顧其心若有不慊然者

則以原志簡陋而新書但采州孝廉
刁顯祖草志爲多未能廣搜博考與
名人潤色使原原本本炳炳琅琅確
然成一佳構第念邠地瘠民貧適逢
其會可以不擾民而集事則與其思
佳構而勢必難成無寧因陋就簡且

使百二十餘年之文獻略得編纂不
至遲久而失傳亦良吏之用心也夫
一書之成亦極難耳司馬遷千古史
才史記一書後世寶爲拱璧而鄭夾
漈誚其以三千年之史籍跼躅於八
九種書爲不博劉知幾復譏其多聚

舊記時插雜言爲不雅馴而鄭劉兩
先生之論要非不根又何怪羅子之
以是爲耿耿乎然余則謂守土者之
修志非徒務其文之工亦在觀感而
旣其實焉耳羅子署祁一年餘祁民
甚安之余嘗對僚屬稱之曰循士君

子束髮讀書驟膺民社初質未漓恫
糜民隱差不滅裂久之精神衰於末
路惻怛薄於常刑兼不無身家妻子
縈其心世故調停喪其志遂前后判
若兩人者有之今羅子志成而去祁
卽奉

制憲 題署饒陽令考地圖饒與祁幅
員俱不滿百里然以冉求政事之科
於如五六十方六七十三年爲之僅
自信爲可以足民治理之難如此羅
子其無狹小是邑無精神衰於末路
無惻怛薄於常刑其亦唯是安善除

暴之法禮士愛民之典日夕孜孜講
求不懈居是邦必百姓真戴之如父
母歿世則俎豆於瞽宗後有職志事
者邑士大夫與父老涕泣曰某令豈
非賢邑宰乎是宜書此則羅子旣實
之事也若於文苟能義例不乖蓋亦

足矣其無以馬遷所猶病者爲耿耿也羅子以余言爲良規遂請書之以弁祁志之簡端

賜進士出身翰林院編修知保定府知

府事蘇門王楷



新修祁州志序

周小史氏掌邦國之志古列國莫
不有史後之省郡州縣為志即史
之遺也祁州密邇王畿被聲教
者最近人物風俗甚善先時州轄
深澤束鹿二邑舊志合二邑為書

余署州之二年念前志已距今百
數十載今州已不轄二邑思欲網
羅此百數十載事蹟續成舊書單
為祁志適蒙 天庥舊秋祁既有
年今歲澆二麥大熟士民樂業獄
訟衰息州牧無事因進士大夫相

商權遴纂輯者議捐梓者各鼓舞
歡欣六旬而書成矣夫志與史寔
相為表裏州邑各有信志合之而
天下有信史願作史難而志亦有
未易易者夫州邑叢爾一隅於天
下不過一疋之著面其事無多而

乘筆者亦非必需具史才如司馬
班范其人然彈丸百里親戚聚處
瞻狗私情子孫類思表揚其祖宗
勢家或欲虛美其先世乃是非之
公不可泯沒生長同里耳目最真
一核其寔或相枝梧謗怨沸騰醜

言交作甚至牒訴恠惚變亂黑白
此大江以南雖文獻之區往往不
免而初頽恬然僅閱月而成書人
無異辭官者調劑其不誣不穢可
知矣亦即可於此徵是州風之淳
與俗之厚也然初地最瘠濱初州

序

docsriver 文川网
入驻商家 古籍书城

在文川网搜索古籍书城 获取更多电子书

邑率以中歲當初豐歲百姓男耕
女織無游手豈瘠土之民勞勞則
思善真如敬姜所論耶碩余又憂
之孟子曰富歲子弟多賴凶歲子
弟多暴民窮則為非今初地瘠民
貧天行之豐歉不可知一遭水旱

戶鮮蓋蔽遷徙流離即今風俗之
善恐不可保余材術迂踈無所設
施又攝官承乏限於時日嘗籌富
之之策竟託空願負初民寔甚第
寔知初民甚苦二年中冰淵兢惕
不敢重累初民而初士民僉謂余


序

日

為不擾此自初人厚耳後之君子
以桐鄉之治治之初之百姓必能
以桐鄉之愛朱邑者愛後之君子
矣豈若余之碌碌哉因草志序而
不能已於言亦為初民請命之意
云爾

乾隆二十年乙亥季冬月署祁州
事梅川羅以桂書





後序

學者載稽極博山川風物詳記默
識他日從政宜乎恢然有餘及矣
而一膺民社覺生平服習歉然有
未足者夫豈皆所造之未至良由
世易事殊非身歷其境咨詢而詳

核之不能盡也閭閻之命繫於司
牧司牧之道本乎政治設未諳其
風土人情興衰利害而漫然設施
所傷不亦多乎若是則州邑之志
固甚重也然嘗艱於貨財之不備
撓於巨室之未同經久未修者所

在多有非修之難而修之若行其
無事者為難耳祁陽於前明為直
隸州轄深澤東鹿二縣故州志若
郡乘


本朝比州於縣深鹿已非所轄迄今
百數十年而舊志猶未更訂庶事



多殘缺失次識者憂之甲戌歲江
右羅公來署是州慨然以修志為
已任而祁之紳士初無異同甫二
月而告竣若行其無事者噫斯非
一出大公烏能若是之易也羅公
與祁之紳士交可謂賢矣余於乙

亥之秋蒞是土而其書適削稿付梓喜其不勞而成而羅公弁言亦諳諳以斯意為慶喜因附數言於後云昔

乾隆二十一年歲次丙子臯月知祁州事婁東王述獻書



11

原序

潘恩

嘉靖癸未冬十月潘子守祁詢風采言問俗觀化讀於其舊志時志之修三十有九年矣故缺典湮迺曰不爲志後將曷稽方事事未能也越二年乙酉會均賦成迺作而言曰井田舊制弗之復也已均井之遺意乎不爲志後將曷稽迺考方輿辨廢置參舊編訪遺老覈故實散者聚之逸者追之微者章之隱者闡之疎者密之滯者宣之因之削之綜之析之爲凡六卷細大具舉謂郡邑之設也山澤異勢俗趨異習物生異宜不可弗識也

docsriver 文川网
入驻商家 古籍书城

在文川网搜索古籍书城 获取更多电子书

作疆域公署有廢興學校有沿革廬里有規制咸以飾
法昭度罔可弗周作建置仁政之始義以興利利以平
民作賦役明事人幽事鬼分異理一正崇邪黜斯風教
可端作祠祀時勢相推新故相仍氛祥相感徵諸地理
兆諸人事有變有常作雜志曰治與教有司之任以教
輔治師儒之責得人焉則興匪人則否作官師如其賢
也民有後思士切鄉往作名宦官賢任能野無攸伏咸
取諸鄉作選舉惟克白樹時乃表見歿世弗稱君子疾
之作人物文獻足則徵弗足則止作文志且附以已意

時爲論敘長短豐約惟其所止閱月而書成竊惟志猶
史也自春秋之後更無史矣抑其次也漢馬遷班固諸
儒以文鳴時號稱良史後之作者亦何以加然紀載時
事則弗可闕故輒不自揣著爲是編使後之觀者讀而
思之舊政可因也述而弗泯時弊可釐也損而弗益風
俗可止也節而弗流文教可行也鬯而弗壅民力可養
也休而弗匱利用可興也施而弗竭才賢可則也教而
弗畫政教可任也酌而弗攜則是書之作容有取焉乃
若會文切理歸諸大雅以俟君子思也非曰能之